

Mes ami Ringo

■ (cp) La Lia Rumantscha ha edi il cudesch d'uffants «Mes ami Ringo» da l'autur tudestg Klaus Kordon. «Dapi che Timo va en la terza classa, sto el ir mintga damaun cun la viafier urbana a scola. Là entaupa el ses ami Ringo, in musicant da la via e giugader da marionettas. In di d'en-vern però sa mida tut: Ringo vegn malsau e dovra agid. Timo sa ch'el na po betg far bler sulet. Ma tge duai el far per ch'ìls creschids vegnian en agid?»

L'autur Klaus Kordon raquinta en s'istorgia ord vista d'in uffant tge ch'ì vul dir da s'engaschar per insatgi auter. Quest'istorgia simpla e clera, cun sia tematica actuala, ha persuadi la Lia Rumantscha. Il cudesch è destinà per uffants da la 3. fin 5avla classa e po vegnir retratg per il pretsch da fr. 11.00 tar la Lia Rumantscha u tar tut las librarías che vendan cudeschs rumantschs.

Titel: Mes ami Ringo, Autur: Klaus Kordon, Pagine: 76, Versiun: rumantsch grischun, ISBN-10: 3-03900-048-9, ISBN-13: 978-3-03900-048-7, Vegliadetgna: 9 - 11 onns, Pretsch: 11 francs

